

2004 Ī Tāi-ōan-lō

Babuza Chû

Lán taⁿ koh kiâⁿ kàu lèk-sú ê siang-chhe-lō lah. Kin-nî Lán ài koh kiâⁿ jōa-kú ê siang-chhe-lō chiah ē chin-chiàⁿ CTT? Tāi-ōan ê chèng-khôan nā-sī koh hō Tiong-kok tóng thèh-kì, lán ê lō chiū ē tò-thè kúi chap nî. CTT ê lō chóat-tùi ē ke chok pháiⁿ kiâⁿ. Pài-thok tāi-ke kè-siòk phah-piàⁿ,

hō CTT chá-jít kàu-lím.

Lán taⁿ mā kiâⁿ kàu lēng-gōa 1-ê siang-chhe-lō lah. Siá TOJ TGB ê lâng jú lâi jú chió. Chin-chē lâng chhiāng-chāi kā góa kóng TOJ ê thôan-thóng chhian-bān m̄-thang hō tñg--khì. M̄-kú beh giáh pit siá ê lâng bô jōa-chē. Chit-kî ê chiah bān chhut-khan chiū-sī in-ūi kó siuⁿ chió. Kóng--lâi sit-chāi chin làu-khùi, mā chin iàn-khì, Tāi-ōan lâng chhùi kóng beh án-chóan án-chóan, khah-su-á chhiú bô beh thiaⁿ! Án-ne kiám-sī bûn-bêng pang-kok ê jîm-bîn? Án-ne kiám ū khó-lêng kiàn-lip ka-kī ê Tāi-ōan kok? Góa jú lâi jú hôai-gî lah.

Ko-hiông Tāi-gí Lô-má-jī Gián-síp-hōe khò chin bô kàu-giáh ê jîn-ōan kap kim-chîⁿ, bián-kióng chhut-pán < Tāi-ōan-jī > kàu kin-á-jít, sit-chāi chin pháiⁿ koh i-chhî--lòh--khì lah. Pài-thok hi-bâng

< Tāi-ōan-jī > kè-siòk chhut-khan ê a-ché kap a-hiaⁿ, siōng-chiό mā 2 kò-góeh kià 1 phiⁿ bûn-chiuⁿ lâi tâu-kó. Nā-sī kó ū kàu, góan it-têng chhut. Pài-thok, pài-thok.

Khò Pêⁿ-po A-Lip-chór ê miâ kā tāi-ke chiok-hok. Tāi-ōan CTT!